



UNDANG-UNDANG MALAYSIA

Akta A415

AKTA AHLI KIMIA (PINDAAN) 1977

Tarikh Persetujuan Diraja ... 21hb September 1977

Tarikh diterbitkan dalam *Warta* ... 29hb September 1977

UNDANG-UNDANG MALAYSIA

Akta A415

AKTA AHLI KIMIA (PINDAAN) 1977

Suatu Akta untuk meminda Akta Ahli Kimia 1975.

[]

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut :

1. Akta ini bolehlah dinamakan Akta Ahli Kimia (Pindaan) 1977. Tajuk ringkas.
2. Seksyen 1 Akta Ahli Kimia 1975, yang disebut dalam Akta sebagai Akta ibu, adalah dipinda dengan— Pindaan bagi seksyen 1. Akta 158.
 - (a) memasukkan perkataan-perkataan “, kecuali sebagaimana diperuntukkan dalam seksyen-kecil (3),” selepas sahaja perkataan “dan” dalam baris pertama seksyen-kecil (2); dan
 - (b) memasukkan seksyen-kecil baru (3) yang berikut selepas sahaja seksyen-kecil (2)—

“(3) Seksyen 23 (2) hendaklah mula berkuat-kuasa pada tarikh yang akan ditetapkan oleh Menteri melalui pemberitahu dalam *Warta*, iaitu suatu tarikh yang tidak lebih awal daripada empat bulan kalendar selepas tarikh yang ditetapkan di bawah seksyen-kecil (2).”
3. Seksyen 2 Akta ibu adalah dipinda dengan menggantikan nombor seksyen “1” dalam takrif “tarikh yang ditetapkan” dengan nombor seksyen “1 (2)”. Pindaan bagi seksyen 2.

Pindaan bagi seksyen 16. 4. Seksyen 16 Akta ibu adalah dipinda dengan menggantikan seksyen-kecil (2) dengan yang berikut—

“(2) Tanpa menyentuh seksyen-kecil (1), dan tertakluk kepada seksyen-seksyen-kecil (3) dan (4), tiap-tiap orang adalah berhak, apabila dibayar bayaran yang ditetapkan, diterima masuk oleh Majlis sebagai seorang anggota Instituit jika ia mempunyai syarat-syarat yang dikehendaki oleh seksyen-kecil (2), (3), atau (4) seksyen 17.”.

Pindaan bagi seksyen 17. 5. Seksyen 17 Akta ibu adalah dipinda dengan—

(a) menggantikan perkataan-perkataan “suatu ijazah Kepujian” dalam baris pertama perenggan (a) seksyen-seksyen-kecil (2) dan (3) dan perkataan-perkataan “ijazah lulus” dalam baris pertama perenggan (a) seksyen-kecil (4) dengan perkataan-perkataan “ijazah lulus atau ijazah kepujian”;

(b) menggantikan perenggan (b) seksyen-kecil (2) dengan yang berikut—

“(b) mempunyai pengalaman praktik dalam kimia selama tidak kurang daripada sepuluh tahun;”;

(c) menggantikan perenggan (b) seksyen-kecil (3) dengan yang berikut—

“(b) mempunyai pengalaman praktik dalam kimia selama tidak kurang daripada sepuluh tahun bagi ijazah lulus atau yang setaraf dengannya atau tidak kurang daripada dua tahun bagi ijazah kepujian atau yang setaraf dengannya;” dan

(d) menggantikan perenggan (b) seksyen-kecil (4) dengan yang berikut—

“(b) mempunyai pengalaman praktik dalam kimia selama tidak kurang daripada dua tahun bagi ijazah lulus atau yang setaraf dengannya atau tidak kurang daripada satu tahun bagi ijazah kepujian atau yang setaraf dengannya;”.

Pindaan bagi seksyen 23. 6. Seksyen 23 Akta ibu adalah dipinda dengan—

(a) memotong perkataan “atau” selepas sahaja perenggan (b) seksyen-kecil (2) dan memasukkan perenggan

baru (*ba*) yang berikut selepas sahaja perenggan tersebut—

“(b*a*) ia adalah seorang yang dibenarkan di bawah seksyen 23A bagi maksud seksyen-kecil ini dan memberi atau mengadakan, atau memperakui atau mengisytiharkan secara bertulis keputusan, cerakinan kimia bagi maksud dan dalam perjalanan pekerjaannya, atau”; dan

(b) memasukkan perkataan-perkataan “atau seseorang yang dibenarkan di bawah seksyen 23A” selepas sahaja perkataan “ahli farmasi berdaftar” dalam baris ketiga perenggan (c) seksyen-kecil (2).

7. Akta ibu adalah dipinda dengan memasukkan seksyen baru 23A yang berikut selepas sahaja seksyen 23— Seksyen baru 23A.

“Kebenaran mengenai cerakinan kimia. 23A. (1) Majlis boleh membenarkan seseorang bagi maksud-maksud seksyen 23 (2) jika ia memohon kebenaran kepada Majlis dalam masa tiga bulan kalendar dari tarikh yang ditetapkan dan memuaskan hati Majlis—

(a) bahawa, sebelum sahaja tarikh yang ditetapkan, ia—

(i) mempunyai ijazah lulus atau ijazah kepujian, atau apa-apa kelulusan akademi yang setaraf, dalam kimia atau dalam apa-apa disiplin yang terkhas berkenaan dengan kimia dari apa-apa peperiksaan mana-mana institusi pelajaran tinggi dalam mana-mana negeri, lain daripada peperiksaan yang disenaraikan dalam Jadual Kedua; atau

(ii) mempunyai kelulusan atau sesuatu bentuk pengiktirafan formal yang diberi oleh Kerajaan atau oleh sesuatu pertubuhan perbadanan yang ditubuhkan oleh undang-undang Persekutuan, iaitu suatu kelulusan atau pengiktirafan yang pada amnya telah diterima sebagai melayakkan penerimanya melakukan cerakinan kimia;

(b) bahawa, sebelum sahaja tarikh yang ditetapkan, ia telah bekerja dengan seorang majikan

dalam sesuatu pekerjaan yang melibatkan ia melakukan cerakinan kimia; dan

(c) bahawa, pada tarikh Majlis membuat keputusan mengenai permohonannya—

(i) ia masih bekerja dengan majikan itu juga dalam sesuatu pekerjaan yang melibatkan ia melakukan cerakinan kimia; atau

(ii) ia bekerja dengan seorang majikan lain iaitu seorang majikan yang kepadanya ia telah memohon untuk bekerja sebelum tarikh yang ditetapkan, dalam sesuatu pekerjaan yang melibatkan ia melakukan cerakinan kimia.

(2) Dalam memberi kebenaran di bawah seksyen-kecil (1), Majlis boleh mengenakan apa-apa sekatan atau syarat yang difikirkan patut oleh Majlis dan Majlis boleh pada bila-bila masa kemudiannya mengenakan sekatan-sekatan atau syarat-syarat tambahan atau membatalkan apa-apa sekatan atau syarat yang telahpun dikenakan.

(3) Seseorang yang tidak mematuhi apa-apa sekatan atau syarat yang dikenakan atau syarat yang dikenakan di bawah seksyen-kecil (2) berkenaan dengan kebenaran yang diberi kepadanya di bawah seksyen-kecil (1) adalah bersalah atas suatu kesalahan dan boleh dikenakan denda sebanyak seribu ringgit.

(4) Majlis boleh membatalkan kebenaran yang diberi kepada seseorang di bawah seksyen-kecil (1) jika Majlis berpuashati, selepas memberi peluang kepada orang itu untuk menyatakan halnya, bahawa orang itu telah tidak mematuhi sesuatu sekatan atau syarat yang dikenakan di bawah seksyen-kecil (2) berkenaan dengan kebenaran itu, walaupun tiada apa-apa pendakwaan yang berbangkit dari kemungkirannya itu telah dibawa di bawah seksyen-kecil (3) dan, jika apa-apa pendakwaan telah dibawa, walau apapun keputusan pendakwaan itu.

(5) Seseorang yang terkilan dengan—

(a) keengganan Majlis memberi kepadanya kebenaran di bawah seksyen-kecil (1); atau

(b) sesuatu sekatan atau syarat yang dikenakan di bawah seksyen-kecil (2) berkenaan dengan kebenaran yang diberi kepadanya; atau

(c) pembatalan oleh Majlis di bawah seksyen-kecil (4) akan kebenaran yang diberi kepadanya,

boleh, dalam masa empatbelas hari selepas diberitahu keputusan Majlis itu atau dalam masa yang lebih lama sebagaimana yang dibenarkan oleh Menteri, merayu kepada Menteri.

(6) Dalam rayuan di bawah seksyen-kecil (5), Menteri boleh membuat apa-apa keputusan yang difikirkannya patut dan bersesuaian dengan Akta ini; dan keputusan Menteri itu adalah muktamad, tidak boleh dipersoalkan dalam mana-mana mahkamah, dan hendaklah dipatuhi oleh Majlis.

(7) Pembatalan sesuatu kebenaran di bawah seksyen-kecil (1) tidak boleh berkuatkuasa sehingga tempoh rayuan yang diperuntukkan oleh seksyen-kecil (5) telah tamat atau, jika rayuan telah dibuat dalam tempoh tersebut, sehingga pembatalan itu disahkan oleh Menteri atas rayuan.

(8) Melainkan jika dibatalkan dengan sepenuhnya lebih awal di bawah seksyen-kecil (4) dan (7), kebenaran yang diberi kepada seseorang di bawah seksyen-kecil (1) hendaklah terhenti daripada berkuatkuasa apabila orang itu tidak lagi bekerja dengan orang yang telah mengambilnya bekerja pada masa kebenaran itu diberi kepadanya.”

8. Jadual kedua kepada Akta ibu adalah dipinda dengan Pindaan bagi menggantikan seksyen rujukan yang terdapat di dalamnya Jadual Kedua. dengan seksyen rujukan “(Seksyen 17)”.

KUALA LUMPUR

DICETAK OLEH KETUA PENGARAH PERCETAKAN DAN DITERBITKAN DENGAN PERINTAH PADA
29HB SEPTEMBER 1977

Harga: 50 sen